

高明縣志卷之三

建置志

高明之有建置也自明成化十有一年始其時度地設邑分職莅治建立城郭以為守置造房舍以為居設橋梁備舟楫以通其利濟制作稱大備焉然盈虛損益因時制宜不無今昔之殊我

國家車書一統二百餘年留心世務者修廢舉墜紹前人制作之良誠今日之正務也作建置志

城池

城在下倉步都臨河向王齋嶺經始於知府黃瑜成化十

高明縣志

卷之三

建置

一

六年知府李璲知縣唐簡壘石營磚周六百六十六丈高二丈四尺厚一丈五尺建窩鋪十八開門三東曰寅賓南曰

阜財北曰迎恩

學士江朝宗記高明縣隸廣東肇慶府距府治百里許東濱南海西接新興南鄰新

會其地舊屬高要縣在永樂宣德間草寇頻發荼毒生靈至天順初廣西流寇劫掠村落成化乙未時耆民麥茂等言於掌府事參政黃瑜議割上倉二十四都三十八圖宜設縣治以防患衛民巡撫都憲吳公琛集眾議聞於上制可之瑜乃視青玉岡之地高阜爽塏定縣治於茲築土為城尋以述職上京縣治猶未之就成化戊戌總督兩廣軍務都憲朱英以設官請而南甯唐簡奉命來知縣事盡乃心力惟懷永圖以土城非悠久計營之以石七百餘丈開三門以通往來東曰寅賓南曰阜財北曰迎恩外則周以濠塹乃建縣治而治事之廳巍乎其前退省之堂奧乎其後典史廳建於東案牘舍立於側麗譙三門又壯之於前縣治之東建儒學廟廡縣治東北建藩臬分司以暨神之祠宇壇墀邑之杠梁道路以次而成地廣民庶水遶山環肇慶之壯邑也經始戊戌之夏落成辛丑之冬義官楊宏

具事之本末請子爲記惟縣治之建所以爲民也古云民保於城城保於德使無賢哲以父母斯民而民何所恃以安其生哉簡既修葺縣治乃克力行仁政以俾民遂其飽煖之天安於仁壽之域誠上不負朝廷之委任下不負巡撫諸公之用心也併記之使將來繼官茲土者有所式總督朱英詩安危幾度歎民生聲教維新邑落成山擁隍陣閣夜柝田連阡陌足秋征保釐託重慚迂拙感戴情深頌太平寄語垂澁漁與獵高明不是舊高明 正德

初年知府黃永增串樓五百餘間日久盡壞嘉靖元年改作雉堞七年被潦塌七十餘丈知縣陳坡築復二十五年颶風淫雨三門城樓盡壞知縣石銘修繕起高三尺三寸五年又颶風吹壞知縣徐純措貲完修又申請發帑募工治甃挑土於舊垣馬路之上再築高五尺橫廣一仞枕邊傍水贅以磚石由是修治高固巡規宿守各得其便南海何維

高明縣志

卷之三

建置

二

柏記高明舊附郡城後嶺西多故成化初請析高要三十里爲高明邑於會寧興平之間最爲要害邑城馬路原築以土歲久坎窞且卑隘不足覘備西南隅緣地勢傾仄自外至者率可超越往歲浪賊蹂躪鄉井薄擾城郭邑內洶洶各懷危懼戍守患之又外濠東南隅舊爲豪民佃煙城樓窩鋪營堡鎮寨儒宮祠宇日益頽敝歲久不治民罔由依而土靡甯習嘉靖丙辰冬莆陽三橋徐侯來令茲邑既至察俗究蠹以嚴輯豪右以惠子困窮以明察姦而基之以恕以果達政而繼之以勤逾年政行訟簡乃上議監司設鎮寨以周鄉保之防立保甲以嚴稽彈之術籍勇夫以備土兵之用革添募以省冗食之費銳志保障爰及城池募工治甃輦土贅石培築馬路視舊崇五尺廣一仞迺城凡九千一百六十六尺更築傾仄者凡四百餘尺追浚煙塞濠道凡五百餘尺重修城樓爲門者三窩鋪者二十由是城郭池溝截然險固乃修縣治署所建置以次畢舉尤加意學宮自廟堂門廡及于齋舍罔不崇飾敬一亭舊置儒學門外汚褻特甚乃遷建門內崇址四尺亭列三間名宦鄉賢二祠舊在北郭非制乃鼎建二祠遷祀學宮戟門內左右更二舊祠爲談經別院以居諸生有志者建南北二隅社學下及鄉塾咸擇師以迪童習修墜舉闕飭舊增

新煥然備一邑宏規財出於公不足則捐措處給不以擾民故上不以爲費而下忘其勞由是有備無患寇盜衰息男者得以耕女者得以織逋者日以集居者日以息商賈阜通庠序樂業邑之耆老俊髦咸念侯之功相率請予微言以紀不忘予素知侯且嘉其有爲故樂道之夫令者主一邑者也凡在邦域之中形勢防衛民生休戚戶口登耗習尚汙隆皆係之令令以一身體之則所興作因革制不可已者皆所不容已世之長人者大率以繭絲呈才視民疾疴茫不相涉甚則日事黷虐獄訟由興藉衣滿道盜賊彌布山谷莫之省備民日不堪命轉徙耗亡罔克胥匡以生奚暇治禮義若是者惡在其爲民父母也噫豈惟令哉茲觀侯之所建置而父老德之子弟稱之揆其善政過人遠其敬斯以往無不宜者獨茲邑哉稽之易豫重門周官重掌固則利禦之圖不可無其具也然有其具統之而非其人有其人治之而非其法則上下不相維繫雖有險固其誰與守是故城郭者先王有之而非恃以爲存也順時節愛以厚生端儀謹教以正德則所謂無形之險而有形者益固矣此侯素志予固表之以告於後之從政者侯諱純字肖文福建莆田人嘉靖己未九月

隆慶六年知縣羅學植重修邑人區益記高

高明縣志

卷之三

建置

三

明縣城迄今百年矣日就圯邑侯羅公以隆慶辛未至即欲修之屬監司修城令下飭材聚工首三門樓二望樓十八侯鋪次馬路及址之崩狹者三百五十餘丈又次別各門鋪各城牆與睥睨五百一十五又次則崩陷者二十餘丈工不貴疾又不期速由始事至落成凡三四歷年或先白而後行先行而後白費出於帑者十一出於罰鍰者十九役咸取之城兵而閭里之小民不與焉池上令佃者疏濬深廣倍前歲得魚利之金十以爲火藥之資公之算於是無遺策矣

萬歷十年知縣張佐治開西門名萬悅門

張佐治記今上

即位之八年佐治奉命令高明至之日集諸耆老問民苦樂及理道興革凡言而中者事無巨細輒施行惟恐後於是言者咸樂余告也一日諸耆又來言曰我邑建自成化迄今百餘年矣邑之內舊有祕語其象西方闡術家言者山川精粹實在於此乃風氣尙爾壅遏未得通誠欲通之莫若闢西扇急然非今日之言也吾父吾祖則嘗言之矣而猶有待也願請闢之余曰若所言者地也未見其時也姑俟之既逾年諸耆又來言且曰役民者因其暇用眾者資其餘比年里野雞狗盜年穀登居積充實舉此不難也時不可失願決闢之余又曰若見其時矣未見其人也且

又俟之又逾年諸言闕門者又來且日既已知其人矣余問奚以知日請試之余問何以日以簿余使吏與之簿諸者出有頃持簿來謁余啟視之則物力備矣余謂凡邑必有四門以便居民制也先時邑新造市宅虛故當事者不得已缺其一今環視四方人物稱阜繁矣卽無請猶將闕之矧至再至三乎矧地與時與人合而爲一乎於是擇日募工以諸者之任事者督其役蓋始甲申之正月而成於是年之三月云工旣成將題其名維時環而觀者不知其數有躍而言曰是工也不費公帑不待鳩集非與眾所悅安能至此願名之日萬悅余遂因以名焉且告於眾曰若亦聞夫恆言平地靈則人傑時泰則道亨和氣洽則貞祥生古今所傳不可誣也是門合地利天時人和以成厥工其鍾靈啟運臻福萃慶殆不鮮淺則茲萬悅之名其必徵矣祕所云其一也維時慶者咸以余言爲然秋九月余遷官將行諸耆請余紀其事遂詳述如此

崇禎二年知縣鄒應期重建東門子城三年北樓傾卸知縣蕭時勉修復五月老香山潦漲入城壞城內民居東門外子城俱壞易以磚砌十三年知縣

高明縣志

卷之三

建置

四

崔琳將雉堞火形改爲土形增高二尺以磚傍築馬路

國朝康熙二年南樓傾卸知縣盧開象修復十六年東樓傾卸一角知縣班羽俊修復四門城樓日久朽壞二十五年知縣于學重新修建乾隆三十六年城垣朽壞知縣霍儀泰捐俸修復五十九年五月淫雨香山潦漲浸入城內東南民居倒塌數百間東門城鞏傾頽十月知縣胡瑛捐俸修復城鞏嘉慶元年十月知縣瞿雲魁捐俸修復城樓咸豐四年紅逆倡亂七年客賊擾害迭遭蹂躪樓櫓傾頽堞基毀壞光緒八年知縣趙培蘭少爲葺補復經知縣岑傳霖與城守黃保增高四門城樓而周圍堞基毀壞尙俟修

復東門子城順治十一年被兵全毀至今未復

池在城外成化十六年知府李璠鑿而未浚宏治十一年知縣涂縉鑿深一丈廣三丈環植以刺竹正德間城東為洪潦衝決三十餘丈水漲入城居民苦之嘉靖五年知縣陳坡將先年所衝決者督理築復民始無患惟南門臨河七十餘丈無池皆商民廛居東西隅一帶五十餘丈嘉靖初年豪民託佃輸稅為名包填堙塞知縣徐純查清追復挑浚康熙十四年冬知縣班羽俊將四圍大加深廣以固城守今或填為田挑為塘在兵房掛名輸租歲試解學道充發貧生燈火名濠稅

廨署

縣署在青玉岡麓深四十丈廣二十六丈知府李璠知縣

唐簡建學士江朝宗記

城署合記見上

署後岡原有周圍牆垣通

於署內日久傾圮知縣于學劃岡頂平半捐貲修築通入

箭道構根青閣看雲軒

于學詩并序署後有閣五余重葺之以供吟眺日根青者以其枕青玉山也依山老樹碧成帷鳥語盈簷睡起時徧倚曲欄頻得句雨聲月色總相宜閣西隙地面拱羣峯復構一軒顏日看雲天半浮雲境本空坐看舒卷態何窮南山一帶橫如案常得青青在眼中

正堂一座三間高二丈廣五丈深五丈兩掖各一間年久多頽嘉靖七年知縣陳坡修葺創兩廂房於後並建儀門

三間二十年知縣陳富春添建川堂一座三十五年知縣

徐純重修添建捲篷一座

徐純記余拜命高明初入疆父老輩相率語曰敝邑也僻居山

谷界新恩之間向為盜區侵掠兵火膏血草野左右鮮蓋歲民無固志朝夕唯逋徙是計鯁鯁然無所依命者已五六年矣余惻然憮然者久之迨入郭內外山槁荊莽城堊堞埋編戶頽落官司公署飄瓦露椽垣墉草棘幾不可以縣矣噫廢墜於茲極矣幹蠱之任茲其時矣然民可樂成難與慮始一旦率之懋力輸貫飾其蠱壞是謂治絲而勞若憚於更張唯守故習陋是謂膠柱而調均非余志遂請監撫司府咸可所畫首申保甲建鄉約選勇夫等諸款以讖姦匪頗頗有條乃請公帑以繕城池而於縣治學宮等諸所當修者皆出本職職罰不足則捐薄俸未嘗勸官一錢勤民一力其所度支經費悉委諸役弗躬出納職唯區畫規制而已具載卷牒可考也適今次第畢舉工已告成亦庶幾因仍粉飾少助文明之觀焉耳謹將修葺衙門等工費咸鑄於碑俾嗣以治者益長而大之有志之士或可以諒余之衷而宥改作之嫌也時庚申八月

順治十八年知縣盧開象重修康

高明縣志

卷之三

建置

六

熙二十二年知縣于學修葺雍正七年知縣汪開銓修葺

乾隆十五年知縣鄭其仁二十三年知縣楊興邦四十六

年知縣于煌俱重修嘉慶十七年知縣余保純十八年知

縣全卜年二十一年知縣張克振相繼重修光緒四年知

縣岑傳霖重修

內宅在正堂後二進各五間東西廂房各二間萬歷十年

知縣張佐治創建二樂軒於內知縣盧開象改創康熙六

年知縣魯傑增建小房三十三間亭一間觀音閣在後堂

左邊一座三間咸豐四年被紅逆毀拆

耳庫房在正堂東西各一間知縣徐純增建知縣盧開象

重修各增一間

六房東三間西三間知縣陳坡增架閣承發鋪長三間東司西司二間知縣徐純重修知縣盧開象增戶兵工各一間里長值櫃二間咸豐年間兵刑二房毀壞今未修復

儀仗庫一間嘉靖八年知縣陳坡增建三十五年知縣徐純重修 龍亭香案歲久朽壞儀仗各件舊未有制知縣

徐純申請勸支官銀建造

龍亭一座香案一座黃傘二柄黃色綿布龍圖一幅綠色綿

布袍十四領紅色綿布袍十四領皮靴二十八雙皮弁二十八頂皮角帶二十八條橫瓜一對鉞斧一對瓜鏡一對令旗一對鼓角一對水劍一對對今皆不存

映玉堂原為幕廳在正堂東三間知縣陳坡建顏曰贊政

高明縣志

卷之三

建置

七

知縣魯傑修葺前增一小軒懸匾於堂上曰映玉軒又側東原有小披三間知縣于學改創高大匾曰醒心軒乾隆四十六年知縣于煌修葺西廳懸匾其上曰擷秀堂修葺

東廳匾曰綠筠書舍

今北

典史廨在幕廳左二進各三間東西耳房各一間知縣陳坡建明季毀于兵順治十八年城守王虎建亭為軍士習射亭毀康熙二十三年知縣于學仍舊建為典史衙三進各三間典史劉道敏督理

戒石亭在甬道中宏治十一年知縣涂縉建銘曰爾俸爾祿民膏民脂下民易虐上天難欺後廢順治十八年知縣

廬開象將誠銘懸之堂上道光癸卯知縣夏承焜以木重建後廢岑傅霖重新今廢

吏舍在六房之後十間嘉靖三十七年知縣徐純增建十八間乾隆四十五年典史石澧申請動支修葺

獄舍在儀門西七間知縣徐純修後毀壞光緒十四年知縣鄒兆麟捐俸修復

女監一間順治十八年知縣盧開象重修今廢

土地祠一座在大門內西向知縣徐純改建南向塑神像正堂三間門樓一間知縣盧開象重修知縣于學懸匾曰

高明正直

高明縣志

卷之三

建置

八

迎賓館一座在土地祠前久廢

譙樓一座三間舊為儀門知縣陳坡改建大街知縣徐純修後廢崇禎二年知縣鄒應期鼎新大門立譙樓於左右

知縣盧開象修知縣于學重修久廢

旌善亭三間在縣門左典史黃觀建正德十年知縣周讚

修知縣陳坡改遷於譙樓門內深三丈廣二丈六尺知縣

徐純遷創縣門外之東榜刊善人姓名馬百乘馬羽矩以彰勸勉

久廢康熙二十六年知縣于學捐俸重建久圮

申明亭三間在縣門右修建同前深廣一式知縣徐純遷

創縣門外之西榜刊惡人姓名林美李德敬潘真長潘昭麥同興周亞定

以垂懲戒久廢康熙二十六年知縣于學捐俸重建久圮

按察分司在治東東向深二十丈廣九丈正堂三間耳房二間後堂三間寢房二間川堂一間門樓三間知縣唐簡建知縣陳坡修知縣徐純重修久廢康熙廿八年知縣于學重建暫借爲城守公署

教諭訓導署詳學校

巡檢司洪武初於高明寨設高明巡檢司成化設縣以高明名改爲太平巡檢司在太平都距城一里嘉靖十四年海寇肆劫武舉區詵條議遷於都含海口知縣黃耀踏勘於大路墟基外買田三畝挑塘填地創建衙署改爲都含

高明縣志

卷之三

建置

九

巡檢司後文儲都民麥廷用告拆運瓦木遷於山臺寺改建山臺巡檢司萬歷十年又遷於石竒海濱久廢其官附居城內雍正九年遷於三洲改爲三洲司建署岡頂後圮乾隆四十六年三洲司婁介祉詳請動支修復道光末旋圮今未復

陰陽學

今缺

醫學

今缺

僧會司

今缺

道會司

今缺

里長房三十五間在南街兩邊被豪民影占嘉靖十四年省祭譚日勤等公呈追出知縣黃耀立匾三十五面各圖里長輪役居住後多傾頽康熙二十五年知縣于學清查僅存一十三間屬城守兵住餘存空地二十二間

預備倉在蒼玉山下坐北向南深九丈五尺廣八丈五尺
原倉一厫分東西倉歲久傾塌知縣陳坡重建正廳三間
東西各五間翼以兩耳房垣墻四周

常平倉舊名存留倉三間在正堂西耳房側康熙二十九
年知縣于學奉例積穀壹萬叁千肆百肆拾柒石伍斗玖
升零增建十間名常平咸豐四年紅逆入城毀散經知縣
張作彥派捐足數折價解繳現藩庫尚存高明常平倉穀
價銀陸千肆百柒拾貳兩柒錢壹分叁釐

社倉在城內南街西向一連穿柱三間積貯各都士民捐
穀貳千壹百捌拾柒石叁斗以便春借秋還又在對面築

屋一座爲看倉人役住所東向乾隆十九年知縣函衍疇

奉 憲檄創建

譚起鵠記嘗考周禮十二聚萬民所以爲
羣黎計者豫且備也嗣後漢代議建常平

一倉穀賤增價以糴穀貴減價而糶其法最良宋朝朱子
因之蓋歲可百年而豐貯不可一日而缺是邑之有倉關

係於民生者非細故矣第前祇有官倉以貯穀未存社倉
以貯捐所以士民樂助穀石或寄於寺廟或寄於民間倉

無定所穀有侵虧茲奉 督撫憲仰體 上心議建社
倉於邑中捐穀爲春借秋還之資洵美意也我 邑侯父

母雷莅任五載清而不劌有揚震之風正而不私有翁歸
之節而且內寬外明則又黃霸之流焉故凡所以鞠人謀

人者一如自保其土文移之日卽集屬官紳士卜形視勢
計通邑捐穀二千一百八十七石三斗構倉一連三間擇

紳士之賢能者付以督理是任斯勞者雖有貢生程帝臣
劉斌鄧南金董其成者實邑侯父母也記日子產能食而

不能誨 邑侯甫下車詳問書院以育人材茲題費不足
又復捐俸完成以廣積儲以衛民生可謂兼之矣從此實

心辦政必兆時和年豐之瑞後之觀是倉蒙斯惠者其無
忘飲水思泉之意乎因敘數言紀其實並將捐費多寡勒

石垂後云乾隆十九年歲次甲戌仲秋五十九年清查案內將倉穀折價銀叁千零柒拾叁兩零壹分伍釐繳存藩庫咸豐四年七月署知縣鄒兆麟攷志追復諭令貢生譚廷坊將鋪捐出改建倉廩兩間意在積穀先捐助穀壹百石以爲之倡諭紳募湊儲存旋調任去知縣蔡逢恩回任清查倉穀僅存三百餘石未足備凶糶豐糴迭諭邑紳募捐未能踴躍集專通稟將存倉穀石由紳變價發商生息其以鋪改建之倉廩仍租賃民人開店歲收租息積少成多爲異日買補倉穀費擇邑中公正紳耆輪管互相稽核以期興復舊規

而垂久遠倉址在正街坐東向西一連三間有牆間上一間深四步三尺濶叁步零五寸右邊火路離五尺深照鋪長中一間深四步三尺濶二步五尺背離火路濶五尺下一間深四步三尺濶二步二尺左邊火路五尺三間俱向街背後左右周圍俱離火路濶五尺另有小鋪二間未經丈又坐西向東前分三間今通作一間濶五步二尺深三背牆左右有小巷尺餘

接官亭一座在城北半里知縣陳富春建知縣徐純重建

增門樓一座

今圯

濟渴軒茶亭在城北五里地名樟凹路通官逕光緒十五

年創建係城中人倡捐置田拾陸畝餘勒碑以垂永久

壇廟

社稷壇在城東北一里

風雲雷雨山川壇在北城外

先農壇在東門外

厲壇在北門外一里

關帝廟在城內東門坊南向長三進共八丈一尺八寸中座塑像後崇奉三代木主廟前廣二丈九尺六寸後廣二丈九尺二寸明成化間知縣唐簡建 國朝道光三年知

縣祝淮重修

高明縣志

卷之三

建置

十三

城隍廟在西門內南向深十五丈廣六丈五尺正座三間兩廊六間門樓三間明成化十三年知縣唐簡建嘉靖七年知縣陳坡修並塑神像二十八年知縣陳富春重修後堂三間三十八年知縣徐純建兩廊二座拜亭一座塑六曹像重修大門正座築四畔墻垣日久頽剝

國朝康熙六年知縣魯傑重建二十四年知縣于學修葺乾

隆十五年知縣鄭其仁重修

鄭其仁記從來聰明正直之謂神威靈顯應之謂神蓋惟

其至公無私所以報應不爽百神皆然而城隍之神則尤為顯著作善降之百祥作不善降之百殃雖操陰司威福實佐人間賞罰是以自京都省郡暨各州縣皆設廟而崇祀焉高明城隍廟建自成化十三年於今日久漸就頽前署縣張公特發善念鼓眾整修而司鐸吳公邱公巡捕張公巡司胡公城守陳公以及各汛防弁亦力為贊襄因

而閩屬士農工商皆樂努力捐貲共成盛舉而歲貢嚴之
達譚爵生員劉斌鄧南金復竭虔誠日夜督工料理捐貲
三百一十餘千閱四十日而即告成固善眾之踴躍力作
亦神靈之默為贊助也其仁當委署茲邑之初拜謁
神見城隍行身喬寓 關帝廟內不勝歎服而廟宇完
整拜賀陞座其仁同諸公皆為欣快觀廟貌之維新知眾
善之功力不小觀神象之明肅知人心之向化有機即此
一舉可見高明人士尚多善良倡率化導責在有司是以
其仁跪拜神前對眾盟誓務以愛民敬士為念如有貪財
罔法不仰體 皇上子愛元元作興學校之意者神明
即賜誅殛以示責罰誓言一發羣公莫不驚色蓋福善禍
淫城隍之報應板板不易亦昭昭莫掩所以人心懾服至
於如是古人云暗室虧心神目如電人間私語天聞若雷
又云善善惡惡總有報地府冥冥果無私其仁每遇疑難
事輒借城隍之神威以怖人之好魂動人之良心往往以
此訊出真情是普天下城隍之為功於世者固大而高明
城隍之有益於士民者更真而其仁之心神夢寐被啟牖
而蒙指示者更為肫切詳明也蓋天無私覆地無私載日
月無私照帝王無私治城隍無私報其仁雖一介庸愚毫
無知識竊願奉此無私之意以為高明士民相磨礪而整

高明縣志

卷之三

建置

三

頓之一點誠懇愚心惟望民風日即於醅良士習漸為之
振起是即日夜勤惕盡心竭力猶恐不可以對城隍至公
無私之神又何敢以五日京兆居然邑長自命而為城隍
尊神搆作碑文以褻茲盛舉而貽笑於閩縣士民哉緣各
紳士堅請不已誼難再辭不揣謏陋直探胸臆而勉為之
記乾隆十五年庚午孟春 敎諭吳錫山并有記不備錄
四十二年知縣于煌重修 于煌記有明成化十一年始立
高明縣又二等而邑宰南甯唐

公翔城隍廟於治之西南隅以酬靈贖以佑民生自守士
者以及邑之衿耆士庶罔不神明而尸祝之甚盛舉也厥
後旋修旋圯逮我 朝康熙二十四年余族祖公學來莅
是邦於凡葺學校浚城濠築基圍清屯丈鉅典宏章釐然
有當而修廟之役次第以舉今縣志殘缺百年於此矣中
間求重葺者之姓氏里居而渺不可得詢諸遺老則相傳
為張公煒鄭公其仁前後相繼以踵其成惟神實嘉賴焉
乙未之初余恭膺 簡命備員茲土每於展謁之次見廟
貌壞題不無朽蠹心戚然不敢宣已而疾病天札禱無不
應旱乾水溢感無不通於是嘆神之福我民者甚厚而凡
我食毛而踐土者宜何如報也爰捐清俸以為之倡而窮
鄉僻壤莫不踴躍簽題捐輸恐後迺命紳士謝藝園楊法

先譚若秦何允彪程飛熊等鳩工庀材共襄厥事首中堂暨神座崇體統也次寢宮及燕室別內外也次正門列兩廡壯觀瞻也旁設六曹及地獄變相昭炯戒也凡七閭月而告竣是役也民不勞而勒工不煩而集繚以周垣嚴觀翼翼鏤楹文機既丹既漆夫而後氣象規模燦然其大備緬余先世忠肅公爲京師城隍之神皇上臨幸賜詩以紀其事明雖叢爾邑而神之聰明正直而壹者無以異也若夫際年時之豐稔感靈爽之憑依除風雨而去鳥鼠嗣而葺之是所望於來者爰爲道光二十八年邑紳重之記乾隆四十三年戊戌孟夏

修

忠義大夫祠在小崗都鄉民建祀葉貞

光緒十五年知縣鄒兆麟批准改建

於幕田子公榮姪官慶附祀遞年春秋二祭每祭由縣給銀壹兩

義士祠在縣治東祀義士楊楚嘉靖二年知縣陳仲珠建

學道魏校記昔先王之制祀也法施於民則祀之以死勤事則祀之以勞定國則祀之能禦大災則祀之能捍大患

高明縣志

卷之三

建置

西

則祀之非是族也不在祀典詳哉展禽之論矣余自視學此邦采問風俗以來凡淫祠無關民義者毀之蓋以淫祠不毀則正祠不彰也茲楊君名楚者系出忠襄世裔質剛毅磊落有奇氣受業葉貞先生之門十有餘載稔聞春秋義嚴惡亂賊當己巳歲感於草寇肆害竊歎孔子會夾谷謂有文事不可無武備其語誠然於是學劍術通兵略嘗以先憂後樂爲志故黃蕭養潘四仔相繼作亂皆賴楊君計切恨知府黃振指揮黃鉞擁兵酣飲莫肯來援也亟欲請偏師赴慶遠以滅西賊以雪先生之仇既而西賊數千流劫蓮塘等都楊君聞切蓮塘之賊即陷葉貞之賊遂曰賊在蓮塘仇不遠矣即挺身赴戰斬賊過百男女被擄獲還者甚多賊見楊君義勇且遁然楊君之志必欲殲厥渠魁也追至橫石逕乃得韋父雄而誅之既而伏莽四起楊君竟陷焉嗚呼臨難苟免比比而然況以布衣弟子未嘗隨仕慶遠孰肯於事過境遷之際而猶捐軀以赴哉即世或有赴焉者然其師非出於爲國爲民君子亦謂之死黨於義弗取也乃葉貞以死報國楊君即以死報師則其盡節於師即無異盡忠於國也夫以一介之儒樹在三之節倘所謂大有功於名教者是耶非耶前者邑郡藩制高其

高明縣志

卷之三

建置

五

義白於朝封義士遣行人曹隆論祭舉祀府學鄉賢祠剛
 膚之典隆矣近以邑令陳君仲珠者念析縣來當彰節義
 之人以風之因按楊君產於明地即欲祠於明地以為
 人願既申請於余又授意為其後者茂才楊君赴余言
 余念生三事一古今通義然臣死君難子死父難者居
 若以弟子而死先生之難天壤雖闊會幾人哉用是轉奏
 於朝深幸聖天子講功處物優獎無已俞余請遂得遷上
 回縣專祠崇祀春秋有司致祭焉故高明之有楊義士祠
 蓋自今始也是役也動支官帑八十金又益以族之義
 鳩工庀材告成不日其族人博士楊衡以祠記來請於余
 余曰此乃綱常節義之祠也非淫祠也於淫則毀之於正
 祠不可以不記記之庶使天下後世之人知人之立身天
 地間無論出處窮達果能負荷綱常則死
 且不朽豈獨為一楊記哉昔嘉靖二年秋乾隆五十九年
 知縣胡瑛率紳士倡捐重修莫若之記略乾隆甲寅夏流
 是年秋有司循例備物親祭謂特祠報饗典禮攸隆亟議
 修復庶足以妥神靈而虔祀事於是因其舊制鳩工克
 廟貌煥然重新邑之人士登堂拜謁緬想英風凜然重
 常敦節義是大有功於名教者也是役也工防於冬之
 一月越明年乙卯而告成莫若之謁楊公祠詩誰切尊
 師志先生義氣將捐軀存大節赴敵凜秋霜偉烈千年在
 英風萬古揚至今崇
 祀典為報植綱常

永賴祠在阮埔都石洲上祀兩廣軍門周嘉謨巡按御史

田生金並祀軍門許宏綱御史王命璿

報德祠在清溪都龜峯山下祀軍門許宏綱周嘉謨巡按

田生金王命璿四賢以其發帑銀數百兩修築圩堤為大

有功

陳大夫祠在儒學之左士民為知縣陳振陽建今圯

熊公生祠在延壽寺之左萬歷三十八年士民為知縣熊

德揚建今圯

嶺海具瞻祠郡太守陞嶺西道陳濂清介愛民萬歷三十一年上差太監李鳳採珠到處殘害有好究勾引指邑大戶盜珠差官到縣捉解士民聯控於道卽申文監察御史李時華立拿差官其禍乃已通邑受恩建祠祝祀至崇禎十四年爲有勢力者改陳公祠爲三清觀置其主於座右久廢今不可考崇報祠在城東門外同治柒年闔邑新建以祀有功於民及捍禦災患者右廂小祠附祀忠勇福蔭祠在東門墟南向新建以祀義勇

文昌臺在東門外萬曆間嶺西道王泮與知縣張佐治建門樓三間中座三間匾曰蓬瀛勝槩後座三間爲王張二公祠匾曰仰賢堂康熙二年舉人譚良泰廩生李翹楚等督修光緒五年闔邑捐簽重修每月初十出題課文藝詩賦彙送科甲名宿評定甲乙而獎賞之其閱卷酌金及獎賞銀歸通學所出至於出題收卷輪值附城各姓料理

文塔

文昌塔在文昌臺左萬歷十二年嶺西道王泮與知縣張佐治建督理給冠帶謝紹謝舜和嚴旭陽莫大韶嚴永度

陳北園

兵備副使山陰王泮記端州古粵中名郡也入我大研人文大啟科第踵登志所稱多文獻之士從來遠矣余向守端雅尙文教無日不計諸生而課之而按籍考實與升解額何厘厘也會郡人以建塔請謂郡東南

址齧於江於形家宜增余周視誠然乃捐貲構造逾年塔成屹然為一郡望矣無何高明父老人士復請如前高明郡之支邑據萬山中四面環拱而郭東勢稍窪譬之屋缺隅衣缺衽風氣弗聚父老人士言良是矧郡視邑一家章縫皆子弟屬也一興一否誰能信之遂下其議於邑令張君謀既協業已經始而會君繼之先後鳩役度庸代石奠基超者雲集輸者嚮臻許許登言言閣閣凡為門者人為何高者二十額曰文昌志右文也余既陟憲副仍治兵端州諸人士請余記之余謂天人之理交相勝者也人非天不因天非人不成故事每有待人實為之邑自成化丁酉析置今百十餘年聖教遠敷人文既駸駸翔洽參於粵中天造地設以有茲邑良非偶然顧考之相書採之輿論樸者宜增缺者宜期要以新一邑之耳目輔山川之風氣誰謂無藉於人力也昔周宅煙澗卜相經營漢奉陵邑七杜衰頹濁而灌替理固有然何論一城一邑哉高明在粵之為邑慕爾矣青玉諸峯故稱奇勝倉溪水跳而東及建東洲梵宇以補華表捍門之缺亦日苟完今復鎮以浮屠俾一邑之中若增而高此於古昔建置方位之法宜無不合夫十聚為同三里為郭百年締造埒於附庸其天定矣

山水週遭若環若揖而茲塔巍然東峙象若卓筆形家擬之文星其人因矣所謂天人合者非耶若日禿而施鬚病而求醫凡以修葺補救而相之存乎人也有司業有父兄之責為子弟謀則締造燕詒靡有不殫厥慮者若子弟善敗非可豫占願自樹何如爾誠彬彬向方擇蹈躬行家知絃誦不肯前聞即甌脫之地可為賢藪或其墮窳燕僻弗務斧藻文勝而媮本真日瀉即都會之區且同殊域則自樹之云也今士既得天得人尙安罪地脈矣由此而淬厲問學項背簪紱出而宣力與中州儷則斯塔為斯邑重余亦藉有榮施如其不然徒委地形雖隆之天猶無益也諸士勛哉是舉也以癸未年十二月載功以丙戌十月告成計費千緡有奇出有司俸餼者一士民樂相者九而繼余守端鄭君實力成之鄭君名一麟余同邑人丁丑進士前令張君佐治漳州人甲戌進士今令會君宗烈樂安人江西選貢董其役為邑人知縣羅君煥章經歷林子桂元來請記者為邑庠生嚴大楠林揚程仲舒羅珩例得附書

乾隆二十八年闔邑重修嘉慶元年闔邑修葺二年五月二十四日傾卸二十二年闔邑捐銀四千兩有奇重建復

知縣許聯陞記文昌塔在東門外半里許前臨滄水後映
玉山形家所謂象文筆而上應文星非釋氏浮屠比也粵
稽邑乘前明萬歷癸未間觀察使山陰王公按行明邑見
城東地勢稍窪學宮東虛氣脈弗聚於文運攸闕原相陰
陽之宜度遠近之勢倡議於文昌臺之東南巽地連一塔
以補缺漏凌空聳秀與文筆對峙塔之得名其以此歟自
創建以來科甲連綿迄於今弗替其間節義勳名表著史
冊者尤代不乏人昔夏郡伯報政謂高明文風甲於端郡
有自來也嘉慶二年夏五月二十三夜塔頂火光沖起直
逼雲漢城中居民悉見之越日塔忽無故傾頽論者咸謂
成毀有數塔運至此爲一週然歟否耶嗣是屢議修復以
需費浩繁未果迨二十年乙亥邑紳士集眾復議互相勸
勉莫不雀躍樂輸會計約得四千餘金謀吉於是年三月
吉日鳩工庀材一時畢舉其址基之濶狹塔身之高下以
及層級門戶坐壬向丙悉仍舊規於塔屬第一層全易以
石每層內以堅木爲柱視昔尤完善董斯事者兢兢業業
不憚勞瘁功不求其速事必期於成越二年而工始竣可
謂勇於從義者矣今年春余攝篆斯邑下車視學見其士
習文風悉臻樸茂每進人士而詢之咸嘖嘖稱道塔之靈
於不置且舉區君拔熙以己卯捷春闈爲證余雅不喜談

高明縣志

卷之三

建置

六

風水謂爲事之偶然未遽深信乃未數月區生慕濂以本
年

恩科翰元莫生應龍亦拔前茅何以其應如響若斯之神也噫
異矣士君子讀聖賢書修身制行原不必有所憑依而始
思自奮故凡有待而興者皆凡民也繼自今果能克自振
拔益加勉勵以德行為本文藝爲末則處爲名儒無負所
知出爲名臣不負所學吾知其人品學術蒸蒸日上必有
更進於此者矣豈第擅文學擬巍科爭名一時已哉如其
甘於廢棄不自樹立日趨於紛華慕競之途而躬行實踐
之學弗講徒執地靈人傑之說謂塔之靈爽當不異於古
所云是猶不耕不芸而望田之收也有識者感慨係之矣
茲值擇吉祀神諸紳士再余爲文勒石以垂久遠爰記
其巔末並綴數言以勉後
之爲學者道光元年冬月

丙午丁三塔在王齋嶺道光十一年知縣石臺莅任周覽

形勝謂縣城對面案山平伏象爲貴人不出頭宜建塔丙

午丁三位作文峯亭立狀邑人聽其論釀金構材先築塔

於午位丙位壘土以成小峯丁位尙一簣未覆厥後鄉科士多見售二十六年正月午塔夜圯今未修復

明陽塔在岡根山鼎居巽宮巽位或曰上有舊址然不可考光緒十六年因東洲書院之役并建焉

龜峯塔在都含海口外東障瀉江西控倉步水爲一方大捍門萬曆二十九年里人左中允區大相捐銀貳百兩言於副使陳濂建侍御區大倫記

坊表

平政坊在縣前東知縣韓國藩建卽前知縣徐純所建之

悅安坊 久圯

高明縣志

卷之三

建置

九

保民坊在縣前西知縣韓國藩建卽前知縣徐純所建強

教坊 久圯

進士坊在分司左爲嘉靖己未進士羅黃裳建 今圯

橋梁

小海口橋在南門外隔河長四丈高九尺嘉靖九年知縣

陳坡建久圯乾隆五十年霄邊村耆民何幹長指購石梁

二條長如前艱於獨力嘉慶二十三年冬闔邑紳民捐題

白金二百餘兩購備壘石架梁重建已舉人莫若之記

遊魚橋在清泰都長二丈高七尺知縣陳坡建邑人羅煥

章購石重建

官田埔橋在田心都長一丈三尺高七尺領木爲之知縣
陳坡建

萬載橋在太平都內嘉靖十一年高田鄉民捐資建

丙州橋在丙州鄉長十丈高一丈五尺知縣陳坡建乾隆
四十八年各鄉義助壘石重修邑舉人嚴紹芳記

喜鵲橋在清泰都長一丈高七尺

新基寶橋在清泰都通羅塘陂水

青石橋在太平都長二丈高一丈六尺

石龍橋在清溪都石奇隄內長二丈高一丈磬石爲拱路

通南海宣德間生員關同建

八圯

孔塘橋在田心都內長一丈七尺高六尺以石爲之

大埔橋在田心都長一丈三尺高七尺架木爲之

自喜鵲橋至此俱嘉靖三十七年知縣徐純建

墩嘴橋在太平都隆慶二年雲水鄉民建

小陂橋在雲良汛下合水口雲良葉珍建

東關竹圍橋在太平都潭邊村前乾隆五十八年闔邑捐

助加石重修以鎖縣城隨龍東派水

車步陂橋

金灣橋在上倉步都綠塘村

水口橋在楊梅都白鶴村

洞心橋在楊梅都對村前久圯知縣于學捐俸重建

于學記邑之東南可十里許曰對村蓋自邑往省所必經之地且三洲西樵居民之往復日一至焉村原無河而因遂山彎聚細流納涓注秋冬潦而為溝春夏泓而成浸此前宦羅君諱煥章所以有石橋之建也越今百有餘年僅存遺址予履畝勸田數經其地見夫農夫荷襁褓負耒耜挑禾稻驅犢犢婦女襁孩提饁黍肉童子戴筠筐提柳筐及夫執役者履輿輪運往往厲而涉或沒脛濡首日以為病予目覩心惻焉然予治邑七載於廢墜處為民病者相度而興復之亦視予力耳不敢以為民病者而勞民蓋民日厲而涉日如是月如是忘乎其為病今一旦勞而建之則蚩蚩愚民將不記前日之病而尤今日之勞予願夏夏乎慮之也故予凡興建之利民者必計其值捐吾俸而先予之以錢是以經之營之子來恐後於是度其橋應費工銀捌拾兩先構石給工與築凡閱三月告成仍名曰洞心橋將見昔之荷者負者挑者驅者襁者饁者戴者攜者及檀輿輸運者坦然履於橋予願此日後之百姓日如是月如是忘乎其利也則庶乎今日重建之意也因是記之而壽於石時康熙二十八年己巳季秋之月

官路橋在岑水長岡墟畔

獨岡二橋在清泰都

古水二橋在田心都

清塘橋在清泰都員岡村

三頂塘橋在清泰都員岡村

自東關橋至此俱萬歷十年邑舉人羅煥章建

水甕橋在大幕都近城西五里萬歷三十七年唐際村耆

民何休捐貲建造贅以石拱萬歷三十七年知縣熊德揚

嘉傑善行申文上臺給以冠帶崇禎十三年橋頤石頽其

孫何萬春重修

利濟橋在文峯山下羅格村候選經歷楊子德建

洗村橋在村前萬曆十六年知縣會宗烈建

平山水石拱橋茅村吏員何鴻略監生何聖略捐建

新市石竇橋在濠基村上眾建以束縣城隨龍西派水

官逕口橋往郡通衢乾隆八年北門內耆民羅美錦創建

新市木橋二條上一條井山眾建下一條唐溪眾建

邑廟泐石橋乾隆十九年生員劉健捐貲建知縣江璣記

井山步月橋乾隆四十年村頭鄉民捐貲壘石建

都權長樂橋在合水南路乾隆四十一年重建甃石爲欄

長闊數丈邑恩貢楊東釐記

高村橋在高村大廟前甃石爲欄長闊數丈

坑頭村石橋

更樓湖下石橋

陂角橋沙村鄉貢生彭達儒捐貲用石建

羅象橋在大幕白馬廟側鄉民監生陳士通捐貲壘石建

黃田坑石橋監生羅覺遠捐貲建

佛水湖石橋生員羅彬捐貲建

濫塘橋在大幕監生羅星燦捐建

南坑橋澤河監生曾良佐甃石築成

下關橋在唐華村界小洞村監生陳瓊柱捐貲用石建

石坡橋在羅丹村界更合通衢乾隆五十四年小洞村貢生陳錫銓捐費用石建

牛角湖橋樂和鄉建

三合口橋在楊梅墟下高一丈長十丈城南以東出入通津嘉慶二十一年大楠村監生杜植槐等倡捐購石創建官竇橋在秀麗上圍灣肚村下舊係木橋通連秀麗太和兩圍光緒年間阮埏倡募易木以石

古新橋又名水櫃釵在平堂村村前爲大平荒官路古存石橋竇口乃係縣城隨龍水從出津所此水上由歲字號之大坑涌流至古新橋竇出亂後新設東門墟斯橋尤屬

各鄉歸市要路

長壽橋在樟村崑字號上沙登石爲之長一丈三尺高五尺雙鯉魚橋在細穩側

橋頭市石橋在村左

大坑橋在石洲村

橋頭橋在石洲村

新湖橋在石洲村登石爲之長二丈廣二尺

馬頭橋在石洲村登石爲之長丈餘廣三尺

高橋在良村都茶山村側嘉慶四年用石創建

早峽口石橋在上太平新墟下嘉慶七年客商捐貲創建

廣見石橋在古城上廣見坑口光緒八年用石創建

濬橋在陀柳村上濬口光緒十年重修

萸菜石橋在新村上光緒四年修

鹿岡石橋在村前光緒八年重修

總陂橋在城南十餘里波泔村側光緒十四年勸捐創建
贅石爲之

西江月橋在城南二十餘里雲春界內光緒十四年勸捐
創建贅石爲之

高橋用石橫接沙石二水嘉慶十七年清泰重修同治四
年楊梅局重修

官坡石橋在對溪村側光緒三年對村人建

石頭岡清石橋高田人建

白鸛橋在城東四里闊二丈餘向係木板光緒九年鄉人
勸捐倡修用石

高橋在牙岡村右

石橋在牙岡村左

雙石橋在廟邊村水從烏石岡流出直至村前濬步坑陂
廣濟橋在楊梅墟尾長一十一丈四尺東接鶴城西通肇

郡光緒十一年創建

金釵陂尾石橋長十丈上通石水鶴山下達楊梅三洲光

緒十四年創建十五年重修全石

蒲岡海石橋光緒十四年新建

陰香新路光緒十五年倡修自金釵陂西邊通上鱸魚岡穿山鑿石乃明鶴運水之要道

田村運心石橋五道道光年間田村國學生李士叢捐貲創建石界今存

津渡

南門渡在城南外舊無渡船嘉靖七年知縣陳坡設渡夫一名撐送後附近鄉民自備小艇撐送光緒十三年眾建木橋來往不取分文置田產數拾畝存案勒石在馬頭

南門馬頭創築年代無考歲久傾圮康熙二十九年知縣

于學築復

于學記凡工之興壯觀譎者猶後而便於人者宜先如邑治之南郭外可數十丈則為河河僅

一線細流水甚淺氾濫時少人可樞而涉舉夫樵者牧者耕者饁者近而汲者登舟者遠而負販者往來如織惟岸與河高下懸殊每遭風雨循灘而上下者未有不嗟泥濘嘆顛躓焉前人馬頭之築有由來矣無何歲久傾圮石之裂而存者加以峻嶒磊磊行人益艱所以孝廉馮冠英者謀諸余亟欲復之余曰是舉也蓄諸心已久第恐工興則勞民職是遲迴馮君曰勞之正所以逸之復之便余曰君言誠善請從事馮君遂踴躍仔肩鳩工購石趨役者爭前恐後不閱月而落成平坦坦等級一新其兩旁復植榕雜以柳為炎月往來憩足地但見樵者牧者耕者饁者近而汲者登舟者遠而負販者安然行欣然喜矣雖有風雨亦忘之矣其便於人何如寧止壯邑治之觀瞻已哉後之人或際傾圮而圖復之諒有同心故書其事於石時庚午孟夏

東關墟渡在東關墟

久廢今有東門米艇往來三洲縣城

古木橋渡在幕田村右幕田人建

雙節渡在羅塘都楊梅水口為豸岡嚴門何氏莫氏二節

婦設載米四升三合歲取額銀供二氏香燈

三洲橫水渡在清溪都洪武間鄉民關韶政等告設橋梁

未幾衝卸今鄉民以小艇撐送

石奇渡在清溪都通南海係鄉民備船乘送

佛山渡逢三九期在三洲往佛山

江門渡在三洲江門步頭通新會順德

石洲渡久廢今秀麗上圍橫鄧魚埠下步頭有艇橫渡太平沙腰沙頭等處

油麻車渡原布練村廖翰英捐建石橋未幾衝卸至乾隆

五十六年闔邑簽助設捐義渡置有澤布村田壹拾壹畝

零每年租穀四十八籬內撥四十籬為渡夫撐送工食八

籬為修渡之貲稅在畸畛都油麻車義助渡的名邑賓劉

慧彝董理

此渡向在瑤村上大水車處經亂渡船已廢其渡田仍澤布村人耕宜查回收租積貲為修廣

見坑口石橋或另捐題銀兩買船設復

三洲省城渡嘉慶五年知縣雷際泰申請 各大憲准設

省城餉額渡船三六九日往省城一四七日回三洲士子

應科及公文客商往來俱賴便宜科期士子渡錢折半凡

遇恩科正科入闈買卷納卷費用俱該渡辦足

九鄉義渡在梧桐浦頭獨岡梧桐歌樂水尾陀柳大塘金

城新村新田同設有田十六畝收租給渡費

遞鋪

縣前鋪原名急遞在北門年久廢壞知縣徐純遷建縣門內右康熙二十五年知縣于學修葺今廢

安居鋪在治北十里坐南向北深三丈廣三丈成化間設離人煙遠久廢康熙二十五年知縣于學修復今廢

逕口鋪原名牛樓鋪在治北三十里坐北向南深三丈廣二丈成化間設後改名逕口鋪接高要赤岡鋪因離人煙遠故廢康熙二十五年知縣于學修復今廢

養濟堂

建置

高明縣志

卷之三

三

在城北半里南向深七丈廣五丈知縣陳坡創屋二間周圍繚以垣牆日久傾頽知縣徐純申創正廳三間門樓三間兩廂及私室二十餘間垣繚井竈周備後圯至嘉慶二年知縣瞿雲魁捐俸重修今廢

普濟堂

在城東外兩進一連三間乾隆二十八年知縣霍儀泰創建今廢

育嬰堂

在城東外兩進一連三間乾隆二十八年知縣霍儀泰創建今廢

痲瘋院

在城北門外里許名烏石堆光緒十四年知縣鄒兆麟重修

舊目無院寄居分司街

漏澤園

在城北半里坐西向東深十丈廣十丈五尺順治四年丁亥因城中被難白骨堆積有譚雄輔倩工遍拾於較場側合葬之名曰義塚

附義塚旁曠地一所聽貧民病故者埋葬

古蹟附

高明縣志

卷之三

建置

天

舊平興縣在縣西五十里黃村都古城坪劉宋置宋開寶

五年省入高要遺址尙存有民居今古城村

舊清泰縣在縣東二十里清泰都梁析平興爲梁泰縣隋

改清泰唐復省入平興遺址今爲民居

白鹿臺在縣南五里上倉步都相傳趙佗畋獵獲白鹿於

此故名

種學堂在文儲山下宋寶慶間鄉人麥夢協讀書之所夢

協名涉

福祐院一名福植堂原在治東下堡岡頂西向宋至道二
年建至萬曆三十七年知縣熊德揚遷寺於東郭外賓曦

社學之左 今廢

延慶寺在治北一里舊名恩惠院宋至道建明嘉靖二十

九年闔邑士民具呈知縣徐純改建東洲其地入官不許

附近居民侵占北至後岡水圳南至塘東至巷路西至養

濟堂稅壹畝陸釐柒毫栽松樹荔枝以護縣治

南津亭在南門城外右知縣陳坡建名溪山第一亭後知

縣徐純修改名南津 今廢

北樓在北門外南至門頭街東至社學西至謝家界北至

濠載稅八釐三毫 今廢

峴齋書院在北城外慶林山上為宋名儒譚惟質建 今廢

高明縣志

卷之三

建置

五

羅陽書院在熊公祠左通邑紳士為江州先生區大倫建

久廢乾隆四十三年闔邑改建玉山書舍士子課文於此

省愆所在縣門外西知縣徐純建 今廢

布政分司在按察分司之右坐西南向東知縣唐簡建宏治

間頽今為民居

府館在治山後坐北向南深十五丈廣十丈正堂三間耳

房一間後堂一間寢房二間知縣唐簡建知縣陳坡修 今廢

文會所原忠賢祠在北門內向東知縣陳坡建以祀鄉賢

後知縣陳富春改南向分二座一鄉賢一名宦知縣徐純

以二祠懸隔學宮非制遂改遷於文廟戟門左右舊祠改

爲文會所今廢爲民居

東陽坊在騰蛟坊下知縣徐純建今廢

聚奎坊在北門內知縣陳富春建匾曰賢科俊選知縣徐

純修改名聚奎今廢

